



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ars Semper Gavdendi

Demonstrata Ex Sola Consideratione Divinae Providentiae Et Per
Adventvales Conciones

Sarasa, Alfonsus Antonius de
Antverpiae, 1664

Tractatvs XI.

urn:nbn:de:hbz:466:1-13517

possibilium scientiâ sunt consecuti? Nohne ex altissimâ illâ Mente, quasi ex Ideâ profluxisti? Nonne is te in hanc mundi tabulam eduxit, & eâ te in conditione posuit, in quâ nunc es? exilis es, humilis, egenus, æger, Rex, mendicus, seruus, aut Dominus; & hoc ipsum ab ipso es, *vnuſquisque enim proprium donum habet à Deo.* At verò non alium voluit te is, è cuius manu & voce es id quod es, hoc gloriæ suæ imprimis iudicauit conduce-re. Egregium enim verò sit facinus, si masculi minores in picturâ ab artifice in locum minus præclarum coniecti, item mouere inciant, queranturque se non tam viuis coloribus expressos; educi se velle clamitent, veluti ijqui in primâ tabulæ facie, magis stant conspicui. Quasi verò pictor artis suæ rationem habere non debeat, & singula efformare prout idea, & perspectiua fert ratio.

*Qui statu
cun tan-
quam con-
uenientiſſi-
mum nobis
ſelegit.*

An omnes Reges esse debent, omnes diuites, omnes eximij? quæ demum tunc erit vniuersi symmetria? Et quid tanti interest, quam demum ego partem agam, si illam ingeniosè expri-mam, si artem mei conditoris benè agendo commendem? Ade-de, quod omnibus circumspectis, viderit sapientissimus meus Deus, conditionem hanc quam modò obtineo mihi maximè conuenire; hanc ad salutem procurandam mihi solam conducere; neque in ullo prorsus statu, me aut salutem meam, aut eius honorēm præclariū promotorum? Quin ergò tam altæ Ideæ ac-quiesco? An ille qui omnia in pondere, & mēnsurâ fecisse depre-henditur, in me solo credendus est errasse? Et qui ne formicam quidem condidit, cui non omnia exactissimè sit admensus, quæ naturæ tam exili visa sunt conducere; mihi propter quem crea-ta sunt omnia, quidquam denegauit, quod ad bonum meum, artiſque suæ commendationem requirebatur? Insanus certè sim, si id suspicer. Non igitur me hâc in parte turbabo posthac; à Deo sum, id quod sum; & vt Dei sim, sum id quod sum. Bene itaque mihi est, nec aliud esse posthac, si liceat, velim; ne tantæ sapien-tæ me opponam.

42.

TRACTATVS XI.

*Si statutu
contentus
fis, etiam*

Hoc autem si prorsus velim, statuque meo aut conditioni si acquiesco, tum demum omnibus quæ me ad hunc statum perduxe-

43.

perduxerunt euentibus, necesse est ut penitus acquiescam. Externā ea sunt quādam, quādam internā. Externa ut parentes, natiuitatis locus & tempus, educatio, propinquorum mors, fauor aut inuidorum æmulatio, nobilitas aut obscuritas generis, prospera fortuna aut aduersa. Interna sunt, animi aut corporis dotes, ingenium, hebetudo, membrorum vires aut languor, atque his similia.

iis qua te
ad eum sit-
tum perdu-
xere adiu-
mentis ac-
quiescas
necessere est.

44. Quid verò de his demens conquestus sum hactenus, qui Dei adiumentiones & artes non attendi? mediocrem quia mihi conditionem in mente suā designarat Deus; idcirco humilibus nasci me parentibus voluit, nec iis qui ad altiora me studia applicarent. Manuum labore vivere volebat me; idcirco ignobiles mihi natales procurauit, vt ab ipso exordio durioribus assuescerem, & necessitate, & verò etiam parentum inductus exemplo. Sic iam facile sortem meam sero, ad quam deiici prorsus fuisse intolerabile. Plebeius esse si debui, an commodiori modo ad eum poteram statum deduci? Quid ergò queror, aut parentes præmaturè eruptos mihi, aut fauores denegatos, aut abiudicata mitem, aut fortunæ vices alperas? Plebeium me voluit Deus, pauperem & deiectum; & verò ego alias esse non volo. Acquiesce igitur adiumentis illis, per quæ factum est, vt statum tibi tam conduceant obtineres.

45. Neque iam adeò de animi corporisque dotibus Deo litem mo-
ue; nec de ingenio tuo, aut formâ, valetudine corporis, est
quod conqueraris. Hæc enim ipsa sunt, quæ statui tuo procura-
ndo fuerunt adiumenta. Neque tuas cum alienis dotes compa-
para, quietus vt sis. *Vnusquisque enim proprium donum habet à*
Deo, unus quidem sic, alius verò sic, pro vt status vniuersusque
& conditio requirebat. Et verò si te alteri comparare vis, omnia
simul appende, & quæ habet incommoda, à commodis quæ sola
tu trutinas, ne disiunge: verum & bona & mala tua, cum alienis bonis & malis, æquâ lance expende: videbisque confessim,
nihil prorsus deesse tibi, iustissimâque trutinâ omnia tibi fuisse
appensa.

Sive ea ex-
terna sint.

Nec tua cù
alienis cō-
para, vt
quitus sis.